
"Миллий либос-қадриятлар кўрки"

Миллий либослар халқнинг узоқ асрлик ўтмиши, қадимий урф-одат ва анъаналари, диди эстетик қарашларини ўзида мужассам этади.

Миллий либосларимиз нафақат миллатимиз кўркини, балки маънавий мафкураларимизни ва дунё тамаддунида тутган ўрнимизни ҳам намоён этади.

Хотин-қизлар ўртасида миллий қадриятларимизга ҳурмат, уларни тарғиб этиш мақсадида Данғара туман оила ва хотин-қизлар бўлими ҳамда масъул ташкилотлар иштирокида "Миллий либос-қадрият кўрки" мавзусида маданий тадбир ўтказилди.

Тадбирда атлас, адрас, банорас, беқасам ва шойи каби миллий матолардан тикилган замонавий либослар барча ёшдаги ўзбек қиз-аёлларига ярашиши, қолаверса, бу каби либослар халқимиз, айниқса, ёшларимизда миллий қадрият ва миллий либосларимизга бўлган ҳурмат туйғуларини янада юксалтириши таъкидланди.

Бу каби тарғибот тадбирлари хотин-қизларнинг ҳамда ўқувчиларнинг миллий қадриятларга муҳаббат ва эътиборини ошириб, ватанпарварлик туйғуларини ривожлантиришга муносиб ҳисса қўшади.

2024-12-28 15:06:06